

奉新縣志卷十六

雜志 祥異 紀事 據聞 方外 壠墓 補遺

五行有志標祥瑞之名雜俎成書入瑯環之笈題稱餘載體效編年至於緡魏收之舊史釋老咸登過柳季之高原樵薪曾禁雖資談助無補藝林偶尋未見之書亦獲多聞之益奉新立縣垂二千年軼事遺文頗多可採若乃騷人墨客釋子羽流有先達之遺風經名公之勝賞雕龍坐上傾杯酒以論心下馬陵邊讀碑文而賈涕流風所被亦載筆者所不得遺也夫紀載之文必從其類類無可附斯謂之雜昔韓邦靖作朝邑志終以雜記今倣其例為雜志分奉新縣志 卷十六 雜志 祥異 一

目五冠以祥異而紀事與據聞並列方外偕壠墓同收雖緝綴紛紜近於瑣屑而網羅散失儻亦采風者所樂觀已祥異

漢永平末豫章蝗穀不收民飢死縣數千百人五行志註

吳寶鼎元年丙戌海昏縣出明珠原志

晉大興元年戊寅彩雲覆豫章郡甘露隨雲而降鄭樵通志

梁天監六年丁亥新吳新安鄉獲四目龜二豫章書按潛確類書龍溪水在奉新梁時獲四目龜於此

唐武德六年癸未慶雲見洪州通志

麟德二年乙丑新吳同安鄉得白麀一有司以獻是年詔置寺觀以銀麀名

貞元元年

丑

嘉禾生洪州或五莖四穗或兩莖三穗

安志

元和二年

丁亥

秋洪州大旱

安志

三年

戊子

原志

四年

己丑

同上

十五年

庚子

秋洪州水

豫章書

長慶三年

癸卯

秋洪州螟蝗害稼八萬頃

同上

寶曆元年

乙巳

原志

唐天祐七年

庚午

夏洪州賈石於越王山下昭仙觀前有聲

如雷光彩五色濶十丈袁吉江洪四州皆見觀前五色煙

霧經月乃散

錄異記

舊志按十國春秋天祐間洪州賈石于藥王山昭仙觀前長七八尺圍三丈餘

奉新縣志

卷十六

雜志

祥異

二

節度使劉威命昇入觀中七日內漸縮小數尺許後止七寸時以為活石與錄異記事同而小異因並錄之按越王山宋以前皆稱藥王山

清泰元年

甲午

吳長興五年縣治南地陷長數十步廣數丈

狹者七八寸

原志

宋雍熙二年

乙酉

縣民何靖妻產三男

原志

景德二年

乙巳

縣民魏勇妻產三男

通志

嘉祐二年

丁酉

原志

治平元年

甲辰

洪州水

安志

元豐二年

己未

秋洪州稻已獲再生皆實

同上

紹興四年

甲寅

七月隆興水圮民廬

文獻通考

二十七年<sup>丁丑</sup>洪州大水府志

乾道四年<sup>戊子</sup>夏六月隆興旱豫章書

七年<sup>辛卯</sup>隆興首種不入秋饑豫章書按原書隆興下多有暨各郡三字者今皆省去

八年<sup>壬辰</sup>隆興府大旱同上

九年<sup>癸巳</sup>隆興府鼠害稼千萬為羣甚於螟蝗同上

淳熙五年<sup>戊戌</sup>旱原志

七年<sup>庚子</sup>春三月不雨大旱蝗民饑安志

九年<sup>壬寅</sup>秋七月隆興旱豫章書

十四年<sup>丁未</sup>夏五月隆興旱同上

十五年<sup>戊申</sup>隆興府大水奉新尤甚淹沒八百餘家安志

奉新縣志

卷十六

雜志 祥異

三

紹熙四年<sup>癸丑</sup>五月奉新縣大雷雨水漂沒八百二十餘家五行志舊志誤人紹興四年今據宋史移載於此

慶元二年<sup>丙辰</sup>大水舊志

嘉泰四年<sup>甲子</sup>春隆興大饑豫章書

咸淳六年<sup>庚午</sup>旱原志

元至元二十七年<sup>庚戌</sup>秋七月龍興路水豫章書按至元二十一年始改隆興為龍興奉新屬龍興

大德元年<sup>丁酉</sup>夏五月龍興水豫章書

七年<sup>癸卯</sup>夏五月龍興饑同上九年<sup>乙巳</sup>夏六月龍興蝗同上

延祐元年<sup>甲寅</sup>秋八月龍興路水安志

泰定三年丙寅秋七月龍興奉新火豫章書

至元元年乙亥春三月龍興路飢同上

至正八年戊子夏四月奉新大雨雹傷禾折木同上

十二年壬辰夏四月龍興大疫豫章書

十三年癸巳夏龍興大旱豫章書

十四年甲午冬龍興雨水水豫章書

明永樂十三年乙未夏南昌府屬大雨江水泛漲壞廬舍沒

禾稼府志

洪熙元年乙巳夏南昌府屬大雨水潦傷稼同上

宣德八年癸丑夏六月南昌府屬大雨江水溢漂流民居渰

奉新縣志

卷十六

雜志 祥異

四

沒田畝同上

九年甲寅奉新縣旱大飢同上

正統五年庚申春夏月南昌府屬淫雨江漲淹沒早禾六月

以後亢旱晚禾枯死同上

十二年丁卯南昌府屬水災人民乏食同上

十四年己巳南昌府屬大水同上

景泰七年丙子夏四月南昌府屬淫雨自五月至秋七月旱

傷禾稼同上

天順二年戊寅南昌府屬久雨大水衝決民居淹損禾稼同上

四年庚辰夏四月南昌府屬江溢飢原志

成化元年 乙酉 旱 同上

二年 丙戌 旱 同上

三年 丁亥 夏南昌府屬三月不雨大無禾 安志

四年 戊子 旱 原志

七年 辛卯 大水漂流房屋人畜甚眾 同上

十年 甲午 南昌府屬旱 府志

十二年 丙申 南昌府屬水 同上

十四年 戊戌 旱 原志

十五年 己亥 旱 同上

十六年 庚子 旱 同上

奉新縣志

卷十六

雜志 祥異

五

二十一年 乙巳 大水市民徐錢家屋柱上產芝菌稍向北色

黃初生時有氣狀如鑪烟之裊漸成六層 原志

宏治元年 戊申 正月雨水冰五月野牛入於市 同上

三年 庚戌 徐錢家屋柱復產靈芝如成化年間狀 同上

六年 癸丑 徐錢家又產靈芝色紅亦漸長六層爛然可愛初

生亦如成化年間狀

七年 甲寅 大水

十四年 辛酉 南昌府屬水 府志

十六年 癸亥 南昌府屬水 同上

正德元年 丙寅 大水 原志

五年庚奉新大飢府志

八年癸酉大旱舊志

十年乙亥南昌府屬飢府志

十三年戊寅南昌府屬水同上

十五年庚辰春南昌府屬恒雨夏四月大水府志

十六年辛巳南昌府屬飢同上

嘉靖元年壬午夏五月南昌府屬大水飢同上

五年丙戌夏南昌府屬大旱同上

十二年己巳夏四月十三府大水蝗大至遮蔽天日落田食

穀輒盡數十畝院道臨縣設法捕之令貧民捕賣炒死一

奉新縣志

卷十六

雜志 祥異

六

石給米一石萬厯志

十三年甲午虎入種德門橋市民殺之同上

十五年丙申野牛入南門橋市民殺之同上

十九年庚子大飢舊志

二十四年乙巳大飢山村鋤蕨為食勸富民出米煮粥同上

二十五年丙午生員余栩家砌石上產靈芝長五層同上

三十一年壬子南昌府旱飢府志

三十五年丙辰夏四月南昌府屬大水飢同上

三十九年庚申南昌府屬水飢同上

四十一年壬戌夏四月至六月南昌府屬大水衝決民田廬

同上

四十三年甲子南昌府屬水 同上

四十四年丑南昌府屬飢 同上

隆慶二年戊申南昌府屬飢 同上

萬曆五年丁丑三月雨黑穀 舊志

十四年丙戌南昌府屬大水 府志

十五年丁亥南昌府屬大水飢 同上

十七年己丑南昌府屬自春三月不雨至秋七月疫 同上

三十六年戊申八月大水 舊志

三十七年己酉夏南昌府屬大水 府志

奉新縣志

卷十六

雜志 祥異

七

四十六年戊午秋八月奉新縣大雨出蛟山水暴溢漂民廬

居溺死者六七百人巡撫包見捷以聞 遺聞

崇禎四年辛未秋七月十八日南昌府屬地震九月天鼓鳴

十月又地震 安志

九年丙子南昌府大飢米穀騰貴鄉城爭相搶奪巡撫解學

龍禁之弗得以數人正法乃止 安志

十四年辛巳正月雨水 舊志

十五年壬午四月黃霧四塞

國朝順治三年丙戌二月初三夜西北方有羣星狀如鎗刀劍

戟赤色光芒有一星光芒直衝斗口是年自五月至秋七

月不雨草木皆焦 舊志

四年丁亥大飢斗粟銀六錢人多死 舊志

九年壬辰大旱 舊志

康熙元年壬寅南昌屬旱 同上

五年丙午四月壬子立夏雷雨大注甲寅有大量縱橫數丈

圈內弦青黑日色閃動如沸波傳云主應大水 箋臆

七年戊申春三月雨雪夏六月地震有聲 舊志

十一年壬子春大飢

十七年戊午秋旱 同上

二十二年癸亥自正月至三月恒雨 舊志遺今據帥我詩補入 苦雨行有引癸亥

正月至三月盡淫雨不止時臬憲柯公僉憲查公人觀陳言以南郡浮賦併各府荒缺錢糧特疏入告雖尚未奉

奉新縣志

卷十六

雜志 祥異

八

恩旨然捧讀疏藁真誠惻怛民瘼得以上聞如蒙

俞允則仁人之言其利溥矣一春九十日積雨何連綿農事

過時節空村絕炊煙吾聞唐貞觀斗粟至三錢史臣紀盛

治特書光簡編今粟亦云賤啼飢乃復然富室迫催科貧

家愁粥饘粟死古所懼民窮

帝所憐况復雨不止平田成巨川畔種如失候憂豈獨眼前昨

聞諸覲公入告誠倦倦浮賦既面陳荒租猶請蠲疾痛得

上達仁言真可傳未知九重意民頸已久延禱祀并呼籲

歡喜還憂煎

聖朝無弊政惠澤知不偏延佇

恩詔下毋使浴堯天野田黃雀行嗟爾小田雀空田拾餘粒

年年同飽飛樂羣保相集爾來兵火餘草荒失原隰人稀

廢稼禱煙火空鄉邑亂溪咽殘雲往聞鬼泣誰知太平

民散亡賴安緝鳥飢猶飛鳴人飢空嗚咄殺心生縹羅忍

氣遂相及往者食于農微軀義周急一飽殘干生掩涕沾

巾濕

五十五年丙申夏大水 同上



雍正六年戊甲秋旱 同上

七年己酉虎至東門外市民殺之 同上

十一年丑癸五月大水 同上

乾隆八年癸亥四月大飢斗粟銀數錢 同上

十年丑乙五月大水 同上

十二年丁卯九月初一日夜棚口前火焚店二百餘家 同上

四十年乙未蝻傷稼

四十六年辛丑夏旱

五十四年己酉新安鄉民熊衍夢妻產三男

五十八年癸丑七月大水漂沒民田廬無數城中不被浸者

奉新縣志

卷十六

雜志 祥異

九

僅三十餘家

嘉慶七年壬戌旱

十年乙丑五月新安鄉大水

十六年辛未旱

十八年癸酉糧署古木生靈芝二李鵬元奉新丞廳雙芝記

降庭廳事右古木生靈芝二質若凝脂穉黃纖白其氣氤氳非華非實及其長也濶尺有咫中厚數寸邊有輪郭雲盤層疊勢若兩翅軒輕頡頏潔而膩澤而堅寶蓋鱗簇油油然飽經霜露既歷三秋方興未艾也客曰嘻是瑞草也非君善政何以召之君涖茲土越十七年矣視民耆老猶吾耆長也視民少壯猶吾子弟也視民孤獨猶吾兄弟之無告也民有善君嘉之民有不善君教之古所稱愛民如子者豈過是乎故虐民則報及於嗣愛民則善延於世此其間有天焉非人力可強而為也昔羅君致仕而蘭生於階德之感也謝子多佳而芝生於庭福之兆也意者秀草

之生亦祥和之氣所感召而致之者與君之德足以致之  
君之才蓋從而志之予曰嗚呼予何德哉且瑞應之興上  
聖澤昭下兆休徵予何敢有也客又曰靈瑞之物當不虛生君即  
不自有亦盍書之以爲後來君子居是官者勸予曰諾因  
詳其物之異與客之言而題之於廳壁是爲記

二十五年庚辰旱

道光三年癸未五月大雨二十餘日

八年戊子夏大水

十一年辛卯夏大水米價騰貴

十二年壬辰大疫

十五年乙未秋蝻

十六年丙申夏旱

奉新縣志

卷十六

雜志 祥異

二十一年辛丑冬十月雨水冰

二十三年癸卯桃源黃氏祠柱產芝 蔡心泰有記

二十四年甲辰同安鄉興賢書院產芝數本紫黃二色

二十六年丙午夏大旱傷稼

二十七年丁未大街火焚店貳百餘間

二十八年戊申秋大水漂沒田廬無數

三十年庚戌秋長星見於西方

咸豐七年丁巳春蝗署縣令張星煇率同城官督鄉團捕之

設局收買五月大水餘蝗盡漂沒是年四鄉豺出食人

連年被其患今仍間有之

十一年辛酉春元旦大凍樹木多隕夏彗星見冬十二月大雪

同治三年甲子春大雪凍傷木

四年乙丑春二月大風雹拔木毀屋廬

五年丙寅春雨水冰

八年己巳春二月淫雨至於夏五月大水

乾隆三十七年壬辰同安鄉民張向晨妻產三男邑侯尹給

帛米銀兩舊志遺分補入

嘉慶十三年戊辰歸德鄉民黃義周妻產三男邑侯金給

朝人瑞匾額舊志遺分補入

紀事

漢景帝三年丁亥削吳之豫章郡吳王濞遂連七國反太尉

周亞夫大將軍竇嬰將兵擊之七年遂斬吳王濞于丹徒

前漢書 舊志按是年改吳為豫章郡領縣十有八海昏隸焉海昏今奉新武寧建昌靖安諸縣是也

建安八年癸未權西伐黃祖還過豫章使太史慈領海昏府志

十一年丙戌太史慈率程普從征江夏還過豫章別討樂安

樂安平定太史慈領海昏

晉建興三年乙亥春二月杜弼別將杜宏張彥與臨川內史

謝擒戰於海昏晉書愍帝紀

梁太清三年己巳湘東王以新吳洞主余孝頊為豫章太守

奉新縣志

卷十六

雜志 紀事

十一

南史

大寶二年辛未正月新吳余孝頊舉兵拒侯景景遣于慶攻

之不克六月孝頊遣兄子僧重將兵救鄱陽于慶走還豫

章復走江州後王僧辯等會兵平景景于四月伏誅豫章書

太平元年丙子春正月梁遣兵擊侯瑱於湓城通鑑綱目 侯瑱傳瑱據

中流兵甚強盛又以本事王僧辯雖外示臣節未肯入朝初余孝頊為豫章太守及瑱鎮豫章乃于新吳縣別立城

柵與瑱相拒瑱留軍人妻子于豫章令從弟齋知後事悉衆以攻孝頊自夏迄冬弗能克齋與其部下侯方兒不協

方兒怒率所部攻淵虜掠瑱軍府妓妾金玉歸于高祖瑱既失根本兵衆皆潰徑歸豫章豫章人拒之乃趨湓城

二年丁丑春二月梁蕭勃起兵廣州次于南康丞相陳霸先

使周文育擊勃獲其將歐陽頔傳泰勃為其下所殺南史 周

文育傳云蕭勃將舉兵踰嶺詔文育督眾軍討之時新吳洞主余孝頃舉兵應勃遣其弟孝勸守郡城自出豫章據于石頭勃使其子孜將兵與孝頃相會又遣別將歐陽頎頓軍苦竹灘傳泰據瓠口城以拒官軍官軍船少孝頃有舡艦三百艘艦百餘乘在上牢文育遣軍主焦僧度羊束潛軍襲之悉取而歸仍于豫章立柵時官軍食盡欲還文育不許乃使人間行遺周迪書約為兄弟并陳利害迪得書甚喜許饋以糧於是文育分遣老小乘故船舫沿流俱下燒豫章所立寨偽退孝頃望之大喜因不設備文育從間道兼行信宿達芋韶芋韶上流則歐陽頎蕭勃下流則傳泰余孝頃文育據其中間築城饗士眾皆大駭歐陽頎乃退入泥溪作城自守文育遣嚴威將軍周鐵武與長史陸山才襲頎擒之於是盛陳兵甲與頎乘舟而譙以巡傳泰城下因而攻泰克之蕭勃在南康聞之皆股栗莫能自固其將譚世遠斬勃欲降為人所害世遠軍主夏侯明徹持勃首以降惟孝頃與勃子孜猶據豫章之石頭作兩城孝頃與孜各據其一又多設船艦夾水而陣陳霸先遣侯安都至乃銜枚夜燒其艦文育率水軍安都領步騎登岸結陣孝頃俄斷後路安都乃令軍士多伐松木豎柵列營漸進頻戰屢克孜乃降孝頃奔歸新吳請入子為質許之

陳永定二年

戊寅

春正月梁王琳伐陳次于白水夏五月琳

伐臨川不克秋八月侯安都周文育自湓城逃歸

通鑑綱目 陳

書周迪傳王琳至湓城余孝頃舉兵應琳琳以為南州諸郡可傳檄而定乃遣其將李孝欽樊猛等南徵糧餉猛等與孝頃相合眾且二萬來趨工塘連入城以逼周迪迪使周敷率眾頓臨川故郡截斷江口因出與戰大敗之屠其八城

三年

己卯

余孝頃子公颺弟孝勸據舊柵擾動南土武帝遣

周文育及周迪黃法氈等討之豫章內史熊曇朗亦率眾來會文育遣吳明徹為水軍配周迪運糧自率眾軍入象牙江築城於金口公颺偽降謀執文育事覺文育囚之送都以其部曲隸眾軍乃捨軍為步軍進據三陂王琳遣將

曹慶援孝勦自攻周迪敗之文育退據金口曇朗因其失利殺文育而併其眾襲周敷敷大敗之迪遂進攻豫章曇朗走入巴山敷與迪黃法麄追斬之

宋紹興元年辛亥春正月盜賊橫肆李成據江淮尤强悍命

張俊為江淮路招討使岳飛副之成黨馬進在筠州張俊

趨豫章與楊沂中岳飛大敗之遂復筠州成聞進敗自引

兵來過於樓子莊又大破之遂復江州宋史本紀張俊傳

使請討巨盜孔彥舟張用李成時成圍筠州其黨馬進在

筠州豫章介江筠之間俊聞命亟趨入豫章喜曰我已得

洪州破賊必矣斂兵城中息金鼓禁人登城賊以為怯居

奉新縣志

卷十六

雜志 紀事

十三

時從山後夾擊慶戰及期精騎自山馳下賊駭亂退走遂

復筠州追至奉新西樓子莊成黨商元據草山挾險設伏

俊遣步兵從間道直追山椒殺伏奪險乘勝追至江州賊

勢危迫絕江而遁呼為張鐵山江州已復引兵渡江追殺

馬進成北走降劉豫岳飛傳李成將馬進犯洪州連營

出不意破之必矣俊大喜因以為前鋒飛重鎧躍馬潛出

賊右突其陣所部從之進大敗走筠州飛抵城東賊布陣

十五里飛先設伏以待選騎二百以紅羅為幟上刺岳字

騎隨幟而前賊易其少薄之伏發敗走使人大呼曰不從

賊者坐吾不汝殺坐而降者八萬進與餘卒奔南康飛夜

引兵至朱家山斬其將趙萬成聞自引兵十餘萬來遇于

樓子莊復大破之追斬進時張用方寇江西飛以書招之

曰吾汝同里南薰門鐵路步之戰皆汝所悉欲戰則出不

戰則降用得書遂降江淮悉平俊奏飛功第一加神武右

軍副統制留洪州彈壓盜賊

元至正十二年壬辰春二月有史普清者稱元帥率斬黃之

眾數百自奉新抵新建驅脅鄉民據新塘復立寨土寇喻

謙可屈祥喻昇余玉等佐之故家大族殘滅殆盡時鄒普  
勝攻龍興既敗走行省屢遣朱千戶領兵討之不能克義  
士夏益卿熊天佐等不敢入惟駐生米章家渡以爲郡城  
西障時阿都赤招集義兵屯大唐嶺邊興國建昌往來之  
衝以故西岸之紅巾不得近城至秋鄒復遣其黨自興國  
出武寧奉新豐城入南昌境欲攻城義士黃季中劉仲昇  
等率義兵接戰勝之維時藩府雖鞏固而四郊皆寇壘也  
江西大志

夏四月賊陶八都攻奉新南鄉據之奉新帥元濟聚眾拒  
于境上舊志

奉新縣志

卷十六

雜志 紀事

西

十三年癸巳七月有賊萬餘自武寧靖安入境殺擄人口焚

燬房舍行都元帥府遣趙把總領官兵百餘與戰敗之市

民安堵把總因乘馬中流矢而死舊志

十一月江西右丞火尼赤以兵平富州臨江遂復瑞州立

義兵千戶水軍千戶所于江西元史本紀 府志左 燿作 丞火保 燿作 赤統北軍并

率南昌義兵頭目黃冲自龍興復富州又復臨江及瑞州  
遂攻奉新克之陶入都遁去火保赤冲于奉新守禦并  
攝富州事南昌寇李明道聚眾據富州築城創署冲不得  
進火保赤等轉破新塘寨史普清率其黨翼謙可等驅新  
塘之眾走奉新縣據雲居山爲巢穴

十四年甲午春史普清陷奉新監縣明安圖死之府志

十七年丁酉春武寧縣胡紹遠攻吳三復破之遂據奉新縣

同上

十八年戊戌夏四月徐壽輝偽平章陳友諒率水兵戰艦千

餘由九江乘風一夕至龍興路薄城平章火你赤南遁城

遂陷胡紹遠以奉新降同上

十九年己亥陳友諒以偽丞相胡廷瑞守龍興路胡紹遠復

自奉新起兵與友諒之眾戰于建昌之麻潭敗死同上

二十二年壬寅春正月寧州土豪陳龍以分寧奉新通城靖

安德安武寧元志寧州領分寧武寧二縣六縣降豫章書

三月奉新帥元濟乘郡亂復率眾以應偽漢既而叛去府志

二十三年癸卯夏四月帥元濟復脅鄉民助逆友諒弟陳五

奉新縣志

卷十六

雜志 紀事

五

惡其反覆殺之

明成化二十年甲辰奉新武寧二縣盜起守臣以聞尋破滅

之府志

正德五年庚午奉新大飢華林瑪瑙寨盜起府志皇明從

江西盜起華林賊破瑞州府靖安賊據越王嶺瑪瑙寨召  
總制右都御史陳金總制江西軍務發兵征之瑞州雜  
志五年七月高安陳福一羅長一奉新胡雪二嘯聚郡界  
之華林山連劫庫獄暨奉新靖安建昌諸府縣脅從虜質  
至萬人復分踞越王瑪瑙仙女雞冠山等寨官府追捕惟  
華林賊尚熾明李夢陽土兵行有華林桃源諸賊徒金  
帛子女山不如之句

七年壬申四月周憲攻華林賊五月兵敗六月李承勛進勦

平之明史紀事皇門從信錄時陳金檄副使周憲等分  
兵三路討華林賊憲帥兵進其二路兵失期不至憲



與賊戰獨深入山谷險峻賊憑高發插石下兵敗憲被執  
死之子幹從征見文被執躍馬前救之中流矢死事聞贈  
憲官諡忠愍旌其子孝烈乃命給事中黎奭往勸功罪金  
檄按察司王秩南昌知府李承勛督兵勦之勦乃招賊首  
黃奇置麾下有智畧任用之人謂勦宜防不測勦益親信  
令宿帳中奇感奮誓以死殉勦乃令奇入賊寨說其黨多  
來降者與約期令俟報至期勦令土酋岑猛選精兵五百  
人夜與俱至山下令黃奇密入寨誘所與約降者來既見  
復縱之去令為內應勦乃與猛帥五百人夜銜枚登山歷  
重險止黃奇與數人前導至壘羣賊方鼾睡直夜者擊三  
更奇拔寨帥眾入五百人奮力砍之內應降者亦合勢夾  
攻賊倉卒不知所為斬首三千餘級眾奔出壘乘夜逃匿  
山谷俟曉搜諸山又斬獲千餘人華林遂平於是移兵擊  
瑪瑙寨俱平之舊志按府志周憲子幹見憲被執奮身  
赴救中鎗猶力戰竟墮崖死通判汪穎面被創僅以身免  
士死傷者二百九十人

十四年己未夏六月丙子藩王宸濠反都御史王守仁集兵

糧傳檄四方諸郡縣皆至適謀報宸濠伏兵千餘在新舊

奉新縣志

卷十二

雜志 紀事

六

墳廠為城中聲援遣奉新縣知縣劉守緒夜從間道襲破  
之贛州奉新等兵皆降盜多肆殺掠守仁執數人斬之眾  
稍定明史紀事畧

嘉靖十五年丙申冬十月以奉新建昌寧州武寧靖安五州

縣俱隸九江兵備

萬曆四年丙子寧州賊渠李大鑾楊青山倡亂奏設守備官

於大瀉山之銅鼓石置哨于百丈舊志

崇禎十五年壬午七月梘下李肅十肅七仇殺劉丁九聚為

紅巾盜九月戊寅復殺捕兵劉大二等四人於孟田冬十

一月壬午院道遣材官帥師統鄉勇擒盜不得死之甲申

營兵乘間焚搶閔辰一廬舍辰一遂為盜潛劉李况數十

姓良民激而從之眾遂數百余大銓誌兵戎畧彭搏鳧

首李肅十素業斷輪陰為鼠竊捕兵索其月錢練總倚為

外府乃讐殺練總以事告許肅十肅七復殺捕兵劉大二

等四人于孟田初肅七未為盜索月錢者波及之不已乃

從弟夜行肅七恨此輩驅之而後殺以償驅之為盜乃驅

之殺已也兩肅自此結亡命之徒以為盜地方起而應之

者十二人有十二天王之號差弁至遂不問兩肅而殘虐

附近良民且行淫掠激而從賊者乃眾富貴之家徒避委

大屋厥倉壯奴窮佃此肅賊大得志之日致黨二千餘人

而紅巾盜之名赫然樹幟矣十六年正月己酉盜焚劫

馬嶺鄒姓營兵往救失利守備雷大功死之盜復連余霍

二熊樞一張李成劉南三等有十八羅漢二十四天罡三

十六地烈名號分寨乾州後城四出焚劫二月兵備道陳

起龍移鎮奉新遣將勦盜敗績將官汪文鎮王龍涂叔駒

黃某邑營弁金歐鞏等死之戊申會勦我師敗績都司袁

斌王某死之喪師百餘人五月辛亥盜攻安義縣縣勇逆

戰勝之斬首百級癸亥邑生員周時琪陰結帥北一刺殺

奉新縣志

卷十六

雜志 紀事

七

李肅等百餘級庚申陳起龍以病歸都司何其賢接鎮奉

東陽等百餘級庚申陳起龍以病歸都司何其賢接鎮奉

新借邑推官宋應星密令生員周時琪縱橫各寨陰行間

謀盜遂大悔六月視下盜李靖三乾州盜閔辰一後城盜

張李成等各殺盜魁乞降胡時亨傳首三邑境內又癸

未正月兵備道陳起龍移鎮奉新安良救枉徵兵布謀三

縣安之無如大兵出見賊即走賊威大震隣封舊盜聞風

歸肅者以萬計起龍患之乃圍練鄉勇招徠壯士搏與宋

應公周時琪謀舉義俠帥益寰行北一者以進益寰夜謁

起龍談甚容易訂約而出月餘益寰謀成與鄉勇吳義二

義三道一以貢金免焚為名置酒召肅十肅十帶輔將劉

子雄兩騎至入屋巡視見帥吳共止四人乃不疑解佩刀

置几上歡然舉酌益寰進酒安坐以刀掛壁肅十街孟方

侈談某日攻靖安某日攻安義某日大攻奉新收三城窮

漢共渡章門益寰作俯耳密語肅十側耳而聽不覺袖中

尖刀入頸四寸矣肅賊錯愕起坐手無所措帥又復奏矣

時子雄起坐將拔佩刀吳義三從坐後抱子雄義二道一

手及之子雄立斃肅賊尚能疾走帥舉大刀同吳三追殺

之取首級走馬馳報起龍觀者至相踐踏詰朝賊眾盡焚

帥吳二家倉屋而肅七亦以憂傷死部眾遂解頭目李東

陽多方連絡招江陽諸盜益其衰為鬼術以惑眾嘗使小童窺伺眾賊動靜以聞有賊以金理石下將遁去東陽即托神以白其事于是賊黨復固帥吳復與搏連集村里丁壯締盟而出兩戰兩捷四月司李胡時亨以監軍來奉新會靖安請分鎮遂居靖靖去賊營甚近得便宜從事招塘港白兔潦原二千餘梟勇異常乃合三縣同日進勦賊大敗將官金國柱張獻表追入乾州寨燬殺無算賊皆奔逃國柱遂擒二賊以歸起龍陞任都司何其賢繼鎮奉新有吉甫之風邑人快之時兩縣議撫事成鄉勇與帥吳義士不從必欲盡殺免恣讐養癰未免勦撫水火賴時亨多方調攝勦撫並用六月餘收拾殆盡持節班師嘯聚甚速撲滅亦甚速總之非一手一足之烈也按帥仍祖嗜退山房稿死於肅十之亂者尚有把總帥維新

國朝順治二年

乙酉

夏四月英王追闖賊至九江後營總兵金

聲桓願收江省自効許之六月聲桓入南昌屬縣不煩兵

而下

舊志

奉新縣志

卷十六

雜志 紀事

六

三年

丙戌

春二月初四日瑞武大盜萬餘人由靖安至龍頭

山初五日遂焚掠上富村進奉等處輯鄉兵討之斬首二

十餘級賊遂潰我兵游孟八胡表十胡詩三鄒顯七等十

餘人死之

同上

又夏四月西昌劉震木率眾萬餘自分

日劉一旅孤軍前有勁敵後無援師若鼓行而東勢必輿尸而徒苦吾鄉也於是生員張璉銜當事命往軍門說之震木悟乃復攜兵入寧州 同上

康熙十三年

甲寅

南昌總兵楊富以事誅餘黨流靖安作亂

蔓延奉邑以白巾為號

冬寧武奉靖盜首劉往七戴朝曉

陷是月晦日賊眾自瑞州來攻同安鄉先遣三十餘人入城內應鄉諸生胡世和者以酒延其行潛遣人告於縣十一月朔賊千餘攻西南兩城知縣董宏毅率家丁十餘人登西城埤道經通化橋遇內應者出拒宏毅手及二人餘

黨搜殺畧盡揭竿標誠城外賊大驚宏毅乃會駐防胡來朝縣丞盧煌典史胡尚高率兵迎戰斬偽左將軍併賊無算生擒六人餘賊皆奔城藉以完

十四年乙卯春新昌賊與寧州靖安賊合掠進化等鄉焚劫

無虛日各鄉聯集都綱自爲戰守賊欲由進化復薄縣城

竹谿諸生羅光孚光普兄弟率鄉勇極力捍禦其地距縣

五十里扼賊要賊未能遽東下冬十月十三日賊數千始

來攻先是督標守備馬千總王百總羅領綠旗馬步兵增

營城內武舉王顯光同知縣等官圍練鄉勇固守城池至

是出戰賊却走十一月邑僞副將陰健子擁衆萬餘屯礪

下聲言破城知縣董宏毅告急總督飛檄巡道李世昌率

### 奉新縣志

### 卷十六

雜志 紀事

九

兵臨瑞兩郡進攻礪下李令林副將攻上里馬守備攻黃

坪王千總羅百總攻黃岡下斬殺無算賊大潰遂降其僞

叅將劉應璉等七十七人僞兵六百六十九人招集難民

一萬四百一十七人舊志

十五年丙辰三月一日邑西諸賊乘間焚劫竹溪羅族禦之

失利羅憲允憲炳憲松憲發秉衡光元光命德一經六後

十君十等十一人死之邑侯董公嘉其義勇親爲祭奠命

羅氏祀宗祠

春礪下餘黨復嘯聚擄掠近城居民時值滿洲將軍屯軍江省宏毅請撥兵協勦三

月官軍遇賊於奉新鄉棉花地殺賊七百餘人復招撫上

富各處僞將吳祥生等四百四十四人僞兵二萬一千八百七十人難民三千三百三十人賊悉平

嘉慶三年戊午甯州賊劉連登等作亂巡撫張誠基由奉新往討平之

咸豐五年乙卯十一月二十八日粵逆石達開遣其黨由瑞

州竄據奉新十二月巡撫遣軍擊賊軍潰把總劉得泰死之

六年丙辰四月巡撫復遣軍擊賊軍潰時同知吳坤修統兵

收復上高新昌舉人蔡桐枝嚴芑彭懿中等請坤修進攻

奉新七月坤修至奉新軍於城北曾帥旋調坤修援廣信

坤修去賊益橫九月舉人劉夢丹偕童生許柱臣募集義

軍由城西攻賊戰敗遂潰時坤修復至由乾洲進勦十月

奉新縣志

卷十六

雜志 紀事

二

邑紳帥方蔚許獻琛宋宴春劉儀等集十三鄉團練助官

軍十二月二十三日賊大出官軍及建康鄉團勇力戰大敗之

七年丁巳正月五日賊遁入瑞州署知縣張星烺慮賊回竄

設局善後召募衛奉軍邑庠趙拜庚武舉帥錫齡統之次

年八月始徹在局出力者各獎敘有差帥方蔚平定奉新紀功碑咸豐五年

冬賊石達開自湖北入江西十月連陷新昌上高十一月

陷瑞州府遣其黨偽將軍黃新樓偽監軍汪庚永等入奉

新守土之吏知縣若丞及駐防武弁等已先遁賊遂據奉

新六年正月分兵寇清安安義皆下之時石達開已擊破

袁州臨江吉安諸府遠近無藉爭附之賊屯聚奉新者無

慮數萬人奉新蓋賊素裕城中積穀十餘萬石諸巨室銀

幣稱是至是盡為賊有賊繕城浚隍造器械已守括富戶

墳墓不可勝計大府聞奉新不守自五年十二月至六年

四月兩遣軍出剿皆失利去賊益得志七月湖南候補同

奉新縣志

卷十六

雜志 紀事

三

知吳公坤修奉檄帥所部兵二千餘人援江西既復上高  
 新昌進攻奉新公所將多銳卒轉戰千里竊立功靖安  
 義賊聞公來皆棄城走獨奉新固守不下公收復二縣  
 功晉知府會公調援廣信賊益肆劫斂財物虜略人民  
 贖動數百千緡民甚苦之九月公復至民間公復至大  
 各出家財佐軍饋運銀米相屬于道十月進營東門外  
 持數月小有斬獲賊恃城池深固積穀多度官軍且去  
 走意時時縱其徒夜出入邨落焚室廬掠婦女近城各  
 民皆枕戈待旦間里騷動夜不安寢益大憤思殺賊矣  
 以深溝高壘卒不可破我兵少力不任辦賊乃督民團  
 縣十三鄉鄉分數圍凡百有八圍圍置練正一人練副  
 人民年六十以下十六以上皆隸練籍有警則鳴鉦頃  
 之間聲達百里聞者各帥所統至數萬之眾不旋踵而  
 皆大呼殺賊賊夜登城見環城十餘里火光燭天噉聲  
 地大懼不知所為十二月二十三日賊大出諸軍殊死戰  
 練勇助之賊大敗死傷遍野自是閉壁不敢復出夜出者  
 為練勇所逐多見禽賊練正等謀將以七年正月初八日  
 大舉圍城賊聞遂于初五日夜漏上一刻出西南二門宵  
 遁道中散亡大半官軍及練勇追之皆棄兵杖輻重走僅  
 以身免奉新悉平論功公以道員簡用尋擢廣東南韶連

兵備道邑人士美公之功請于方蔚文其事于石謹竭愚  
 懇陳固陋以為之銘曰

聖朝之興受命

上帝傳祚無窮及意萬世北燮南諧東漸西被克高

天大畏民志如何姦人敢萌反計構造并謀窺竊

神器作敵東南江湖鼎沸久據名都僭稱大位乙卯之冬規取

旋舉安義破上新表謀始肆遂入奉新漸不可制繼克靖安

城隍益修守備我公桓桓扞忠敵饒乃稱干戈乃立旗幟

精卒三千掃除寇虜勢方張公言勿畏我得天時我擅

地利更兼人和必殲醜類我武惟揚賊眾大潰既復奉新

羣望斯慰仰藉威削平僭偽大饗三軍策勳飲至歡聲如雷齊評

萬威

一人有慶兆民攸賴

帝曰休哉朕得良帥矯矯虎臣

社稷之衛繫立戰功勞宜楦外礮石書銘呂章果毅長記英風

輕裘緩帶

十一年 辛酉 四月五日 粵逆偽忠王由瑞州陷奉新焚劫鄉

村擄掠丁壯縣市從善建康南北奉新六鄉被禍尤慘又  
由新昌分竄義甯經奉新西塔地方西塔鄉勇與賊戰賊  
焚其村殺斃鄉民三十五人五月巡撫毓珂檄統領江軍  
劉于溥督兵進勦邑紳甘晉賴運揚余九穀帥嵩齡許振  
禕劉達泉趙拜庚帥錫齡劉鼎元鄧志遠等募衛奉軍助  
之六月軍敗退賊益橫部堂檄鮑超軍由九江至賊聞  
風遁時安越軍收復義甯州舉人蔡桐枝嚴芑劉夢丹等  
請駐羅坊勦賊安越軍至賊已遁

同治四年四月鮑超軍部下叛於楚竄義甯州上鄉各團  
防堵知縣保齡札外委韓昇旭帶勇於八疊嶺禦之賊遁

奉新縣志

卷十六

雜志 紀事

三

六年丁卯九月二十四日新昌齋匪宵掠上富焚西坪書院  
劫器械殺斃十餘人鄉團追獲賊目二人餘黨四人及偽

印旗幟

十年

辛未

十二月逆匪頭目溫開楫吳元蘭等招匪黨百餘

人嘯聚來陽馬頭山等處聲言先攻縣城次及各縣代理  
知縣高節集紳眾議團練未果署知縣汪以誠至甫下車  
警報叠起隨集在城紳眾復申前議設法措辦邑紳余泰  
和趙拜庚宋兆年徐紹功徐樹棟廖雲瑞鄧繼照廖履中  
甘鳳翔宋熙年等總辦大局團練趙啟閻熊夢生廖福昌  
甘常儀趙鈔廖磐徐繼光甘用儀余觀光甘玉章趙億祥

趙師曾熊承恩徐熾燿徐士敏徐顯揚鄧在寅廖桂生徐振詹師尹徐定祥鄧志宇甘夢虹曾繼焜余象賢鄧繼倬陳樹楠等分辦各城保甲修城招勇置辦軍裝火礮不數日而事畢集時連日大雪城內居民鋪戶不避寒凍晝夜登城巡邏匪眾更迭偵探十四十五等夜沿路伏匿幾有乘間緣城之勢以人眾守嚴不得逞十七日竄靖安據城焚劫從善鄉隨集鄉勇合靖邑團練攻破之當匪眾欲逞之際城鄉居民倉皇莫措紛紛欲避知縣汪剗切曉諭再三安輯而又不憚艱險冒雪衝寒窮十數晝夜之力親率把總吳飛鷹帶領兵勇並督鄉團至來陽馬頭山一帶地

奉新縣志

卷十六

雜志 紀事

三

方擒獲逆匪吳元蘭等十餘人解省正法其有名在逃者亦賴各鄉紳士督率團勇以次擒獲從善鄉督團紳士劉葆真胡瀛生劉金誥周兆華余紹楫余鶴千余冠千余大千余廷甲周心傳余得盛周大新等建康鄉督團紳士劉福臻劉鏡銘徐盛榮閔奉先劉鴻蔚徐道本劉桂芬許鴻泰劉集福涂鴻銓徐作恭等新安鄉督團紳士喻恒祥呂獻廷吳應鼎盧炳蔚汪杰夫劉恒敬廖紹鐸熊典淑胡錦之陶錦之毛用和李際時袁舜臣等新興鄉督團紳士鄒立功徐夢鰲晏心一帥榮任張夢熊譔召棠雷鼎銘胡耀南徐繼伯周邦佐等餘鄉各獲有差所有各鄉善後團練



保甲諸法汪爲籌畫章程悉臻美善

奉新縣志

卷十六

雜志

紀事

十四

撫聞

孟浩然詩一首

九日龍沙作寄劉大脊虛龍沙豫章北九日掛帆過風俗因詩見湖山發興多客中誰送酒權裏自成歌歌竟乘流去滔滔任夕波

黃庭堅與胡少汲書

某叩首春未得莊僕回所會書即附慰疏問唐臣窳窳遠近及念九兄弟處喪何如學問可望否張氏女得所否何以書至今未達耶計是奉新莊夫非有所調發不往故直留前書在村舍爾足下手足之痛相及在體于人情豈能堪然當以承祭祀為重以道印為智慧之用知其兒女痛痒則不孤兄弟所以相期者矣惠寄斲簞油拳皆山中所闕多感多感參前堂蓋取立則見其參於前耳此處有前後堂前堂面竹竹外修溪修溪以南幕阜山重疊無際後堂北桃李皆數十尺盛夏綠陰甚可愛二甥誤傳堂意致公佳作失經旨所謂使陳壽不美于史遷固之罪也諸詩皆有勝處知別後不忘學欽嘆所須伯夷廟碑及近文以盛暑揮汗作書不復可及此物秋涼後或得手抄數篇也某頓首辱書勤懇并惠示參前堂詩詞意深遠欽嘆霜後頗寒不審彼

奉新縣志

卷十六

雜志 撫聞

三

氣候何如即日想進學不怠體力清勝遠寄山薑甚副所須蓋比居山堂中晨起常氛霧蒙遠近日高乃相辨故須此耳舉道者碑甚佳不知彼方猶能傳舉道者語錄否試為尋訪舊於文字中似見有之耳公家與不肖薄有瓜葛又是年契不但以令兄遊從故為兄弟丈人行非所以見處幸改之百冗奉狀草草某叩首頃得相見甚愛風度高明恨未款語耳前年辱佳句并斲簞適遭大故哀荒幾死天幸扶護歸次鄉里山川如昔觸事隕心多病多故不復能與人事又賓客未嘗出門以是去年復辱書亦未能作答然間獨思念公於不肖勤勤懇懇非有他求特以草木臭味同爾相求于一世之所棄故雖淡泊如此想必不礙滯于胸次也承以令兄之哀疾苦復作幸即輕安家事所寄憂責未已惟寬懷自重晁嫂必孝友解事家居唯雍睦則不以細故傷大義亦使亡者無憾于泉下矣念九兄當此多難能自奮發否公道學頗得力耶治病之方深求禪悅照破生死之根則憂畏淫怒無處安脚病既無根枝葉安能為害投子聽老是出世宗師海會演老道行不愧古人皆可親近殊勝從文章之士學綺言妄語增長無明種子也聰老尤喜接高明士大夫渠開卷論說便穿得諸篇鼻孔若干義理得宗趣卻觀舊所讀書境界廓然六

通四關極省心力也然有道之士須以至誠懇惻歸嚮古  
人所謂下人不精不得其真此非虛語某頓首辱書逼  
在邑中以故未得即歸又當往府中謝諸公所以未得如  
前約錄近文奉寄爾自州中冬夜長可手寫數篇往也二  
年來尤覺眼力不足數日來漫服椒乃似有益冀漸得力  
冬夜可觀書耳年垂五十百衰相現故思如少汲政好勤  
學耳所報令兄房兒女詳悉甚慰誨諭存心處竊願公如  
此耳古人學問亦無別用處惟舉斯心以加諸彼而已

蘇軾書李志中文後一則

元豐七年舟行赴汝自富川陸  
走高安別弟子由五月九日過

新吳見縣令李君志中同謁劉真君祠酌丹井飲之明日  
夏至遊寶雲寺此君亭觀李君之文求其本而去眉陽蘇  
軾書

魯應龍括異志一則

奉新村民繫牛于柱將殺之其鄰家  
子平時饜食指屠者曰速操刀我欲

肝腸生食不可緩語至再三牛忽驤首怒目直視此子奮  
力掣索斷直前徑觸之穿其腹過四十里不脫

陳鵠耆舊續聞一則

黃魯直以史事待罪陳留偶自編退  
聽堂詩初無意去盡少作胡直孺少

奉新縣志

卷十六

雜志 撫聞

三

汲建炎初帥洪州首編魯直數詩文為豫章集命洛陽朱  
敦儒方山李彤編集而洪炎玉父專其事遂以退聽為斷  
以前皆不用

劉弇龍雲集一則

哲公禪老住奉新之人王院于其別也  
送以二詩有鶴青田來骨傲九秋老羽

毛雞鷺間不復故時好吳霜割清夢一夕落幽島哲手開  
士秀佛路著鞭早世累糊空雲一以涼颺掃徃聞瑯琊覺  
禪海卷狂潦紛紛方袍子未易旌舄到師如健嗽兒把握  
攬梨棗爾來三十年方寸不貲寶鯨鐘人誰識聊徇衆擊  
考又作雲山行方將同木槁勿學斷緣人時寄新詩稿我  
聞豫章境勝勢所至生山皆撞空活水自照骨清其間佛  
老宮往往連飛費人一邑隅古屋纒數楹塵點自不到  
日飽松風聲十丈挂溪影虹橋插崢嶸擲下夔虛跟蹠  
笑磨麈師方得所欲振錫了不撓非如入流子橫計多餘  
羸秋畦蹲鳴老畫飯宜香杭由來介石身忽作歸雲輕

姚勉雪坡集一則 余評事惠龍團獸炭香瓊鳧實且許以  
百丈楮衾而未至詩青禽銜雲落蓬壺  
風簷快讀光眉鬚百朋珍貺羅庭隅一皆可當清娛建  
溪龍焙香雲映香瓊巧製來東吳鬢鬢獸炭奇形模辟邪

天祿獅熊驅王家鳥種君家鳧晴沙暖抱明月珠雅意下  
照仙人癯矮窻醉几詩情孤蒲團松拂燒紅鑪蝸廬積凍  
春潛驅侍兒金珞香玉膚月銷煮雪煎春酥窻前笑玩嬌  
黃雛能言直可貢上都其波及者皆君餘獨欠一幅橫雲  
鋪王孫醉擁紅瓊瑜楮生長揖非吾徒藤牀紙帳恰此須  
能供梅花清夢無

魏慶之詩人玉屑一則 少汲贈劉邦直詩夢魂南北昧平

生邂逅相逢意已傾楚國山川千  
疊遠隋堤煙雨一帆輕我無健筆翻三峽君有長才肅五  
兵同是行人更分手不堪風雨作離聲山谷云少汲後生  
中豪士也讀書作文殊不塵埃使之不倦雖競爽者未追  
也同是行人更分手佳句也邂逅相逢意已傾已道了劉  
三十一矣

俞元成螢雪雜說一則 杜詩丹霞一縷輕胡少汲漁父詞  
繭縷一鈎輕隋堤烟雨一帆輕皆  
曲盡形容之妙也

吳曾能改齋漫錄一則 直孺送春詩冷酸梅子漸生仁鶯  
老花飛迹已陳一夜南風搖斗柄

奉新縣志

卷十六

雜志 撫聞

三

明朝煙柳不關春

張邦基墨莊漫錄一則 直孺春日絕句風雲吹絮柳飛花  
睡起鈎簾日半斜四海隨人雙燕  
子相逢處處作生涯

詩人玉屑一則 鄒定過杜工部祠詩疇昔哦詩憶耒陽茲  
因捧檄過祠堂一生忠義孤吟裏千載淒

涼古道旁自是風霜侵病骨非關牛酒淹詩腸明朝解纜  
秋江上同訛先生一瓣香

釋惠洪冷齋夜話二則 智覺禪師住雪竇之中巖嘗作詩  
曰孤猿叫落中巖月野客吟殘半

夜燈此境此時誰得共白雲深處坐禪僧詩語未工而其  
氣韻無一點塵埃予嘗客新吳車輪峯之下曉起臨高閣  
窺殘月聞猿聲誦此句大笑栖鳥驚飛周貫不知何許  
人自號木鴈子治平熙寧間往來西山日酣飲蓄一大瓢  
夜以為溺器工作詩成癖嘗宿新龍泉觀半夜搥門道  
士驚問其故曰偶得句耳因使口誦貫以手指畫吟日彈  
琴傷指甲蓋蓆損髭鬚是夜寒甚貫以蓆自覆故爾

方回桐江詩話一則 少汲宣和間在河朔作漕日同官陳  
皆嘆服詩曰章句飄飄續小山古風蕭瑟筆追還海鵬共  
擊三千里鐵馬同歸十二閑功業會看鐘鼎上聲華已在  
縉紳間他年記憶年衰老為報西川引一班

前定錄一則

奉新黃文博名載夢與劉鑄到南經江西省

署見放鄉貢進士榜諦視之高懸朱牌十枚  
上書金字日光炫耀不可讀忽一隸卒前白曰第一名南  
昌熊誼汝居第六遙呼鑄曰汝名亦在後須與有紅纓佩  
刀者十餘人自省中謹而出似相逼逐驚寤明發與人言  
皆大笑當是時大都督朱公鎮南昌干戈方殷謂安有貢  
舉之事後八年為洪武庚戌始設科江西四十名額南昌  
占其十十名中熊誼冠首正符朱牌之數載却在通榜第  
六鑄居十九及試大廷載又中第二甲第六名一一皆驗

彭搏鳧鳴雜錄一則

癸未紅巾寇亂有鄉勇追得賊婦之

授予予固謝之眾擁去復爭不已共射殺之夜夢其婦語  
余曰汝在軍中不救我性命能無損折隱德予慰之曰是

奉新縣志

卷十六

雜誌 撫聞

三

時亦大不忍然義不可留汝不幸而落賊手尚悔一死乎  
夢中且為詩以祭之有涼月支深怨清風護倩魂之句

夏寅奉新即事詩一首

長原撫撫奉新鄉越嶺秦川古畫

蒼蒼華林士氣歸消歇太史兵聲極奮揚瘦竹枯松兩間  
屋邑人猶自奉蘇黃

朱善羅谿隱趣圖詩序一首

客有以山水圖一幅示余者

見其翼然者溪上之亭也其翫然者溪上之木也其隆然  
中起者溪上之流也遠山重疊乎其前平原曼衍乎其下  
一老渡橋如有所適一士端坐如有所思莫不各有其意焉  
余亦不知其何如也從而問之則曰新吳鄧氏羅溪隱趣  
圖也以知隱趣之妙者莫如子故特為請願一言以冠於  
卷端余曰人之才質不同才有清濁則學有淺深學有淺  
深則趣有高下吾豈能一一究之哉浴沂之詠歸也鳧魚  
之飛躍也原泉之混混也此其在孔門者不必言矣後乎  
此則庭草交翠茂叔之趣也吟風弄月程子之趣也武彝  
權歌朱子之趣也此數君子者蓋亦於川上之旨有默契  
焉者也今孔孟之書程朱之說非不家藏而人誦之也果  
有能得聖賢之趣者乎羅溪之水與子之川點之沂朱子

之九曲同一是水之流行即同一是心之操存也其心同其理同則其趣亦同也子毋謂其高遠而不可及能領吾說而務學焉則一簣之覆是亦為山九仞之始也

閔奎箋臆一則 大家宰蔡見麓初視閩學首錄葉臺山貢首李九我閩中闕然謂失當後李領解會

兩元葉成進士俱陟首輔臺山尤久相特進太師為顧命元老乃知衡山甲乙早從文字識其生平也

箋臆又二則 甲辰三月苦虎乙酉賡溪族人泰華等逐殺白面大虎次日鄉眾以皮獻官計長九尺五

寸額有黑班天王二字按虎亦近山之常即王字虎之老者皆有最異者有鵲梅弓矢等斑而天王則創見者矣

丙午五月奉邑清查田冊各鄉在局一夕暑不成寐忽天明照桌上冊書小字歷歷如畫時仰視西北天上紅雲中赤龍身尾擺動光焰灼人呼眾起觀一時闕擾良久黑雲遮蔽遂復暗晦正雞鳴時也王襄明在事親見不知主何祥記之

續聞志一則 康熙十三年甲寅百丈寺僧有唐和尚者聚徒百十人窩藏匪類將為不軌奉發兵勦之

奉新縣志

卷十二

雜志 撫聞

三

統兵者日牛童高二將或日牛樂高也

王士正池北偶談一則 趙忠毅公閒居擇言大臣以道事君不可則止非以位言也如是乃為大臣耳故魯兩生可為大臣近日如太宰孫公鐘陳公

有年蔡公國珍可以為大臣矣

王從言別集一則 建炎三年十一月金人自蘄黃由大治至縣之南津忽引去後有從賊營還者

言金騎始據南津見北岸旌旗士馬聳引弓不發又有紅帕首及臯比飾韉者遂懼而退邑人曰聳而引弓者太史神臯比飾韉者坐馬三將軍也

帥念祖逸詩一則 念祖雖處顯宦風度灑然嘗有舟行絕句云絲桐繞指古音回鳥玉研香鼻觀

開還我書生真面目無人知道是官來

袁枚隨園詩話一則 江西帥蘭臯先生名念祖督學浙江一時名宿都入網羅半皆蘇耕餘廣

文為之先容蘇故癸巳進士長于月且吾鄉名士多出其門惟余年幼未往帥公來時余年十九考古學賦秋水云

映河漢而萬象皆虛望遠山而寒煙欲起公嘆賞又問國  
馬公馬何解余對云出自國語註自韋昭至作何解枚實  
不知繳卷時公閱之曰汝輕年能知二馬出處足矣何必  
再解說乎曰國馬公馬之外尚有父馬汝知之乎曰出史  
記平準書曰汝能對乎曰可對母牛出易經說卦傳公大  
喜拔置高等蘇先生聞之招往矜寵以不早識面為恨先  
輩之愛才如此後帥公為陝西布政使竄死海上予賦五  
古哭之末四句云青蠅宦海飛白骨沙塲拋何常抱孤琴  
塞外將魂招

又隨園詩話補遺一則

余十九歲受帥蘭臯先生念祖知  
詩大雅中得帥公春園詩云羣香多撲鼻空翠總沾衣良  
以得春趣因之忘世機逕幽當曉寂羣小見人飛我意適  
如此看雲何處歸又秋信云柳殘池受月花落徑添泥彈  
琴云耳邊猶有韻空外絕無聲

蔣士銓忠雅堂集詩二首

送帥蔣房光祖歸奉新半載局  
窮不上人書見爾為心服茲行逼歲除洒洒成獨返辛苦  
賦歸與願作東風暖相從解凍顏征衣存短褐老伴得江

奉新縣志

卷十六

山雲喜人孤潔梅知鶴往還詩書留大藥能轉鬢毛斑

袁枚新齊諧一則

江西奉新鄒氏婦生產三日胎不下其  
輪流守護一婦姓孫有兒尚襁褓不能同往乃交托外婆  
家而率長子名鍾者同往以弱冠入學慮夜間寂寞乃持  
書一卷往次日將午其門內絕無人聲戚里疑之打門入  
則產婦死于床七人死于地七人中衣冠面目無他異惟  
氣絕而已獨孫秀才身尚端坐右手執書如故其左臂自  
肩以下全身燒燬直至脚底黑如煤炭合村大噪鳴于官  
急相驗命且掩埋亦無從申報也此事彭芸楣少司馬為  
余言按鄒氏婦新齊諧誤李氏孫秀才事亦誤

戴璐藤陰雜記一則

祖孫父子同科江西奉新甘莊恪汝  
來官巡撫時父顯祖弟汝逢子禾雍

正丙午同舉於鄉

按顯祖雜記訛作萬達不受縣封亦誤  
張庚畫徵錄一則 帥念祖字宗德奉新人以禮科給事授  
陝西布政使司布政使以指頭墨作花  
草間作山水

珊瑚鈎詩話一則 靖康元年冬十一月金兵驅薄王畿無

邀擊竊料其知吾無謀審吾無勇必且再至冬十月作將

歸賦以書投胡少汲欲求待養公以啟事見答曰伏承主

簿祕書寵以華箋副之佳什屬詞近古陳義甚高橫賦

詩不廢軍中之樂登高舒嘯少賒杜下之歸祝頌之深敷

染奚既遂堅畱下帥幕下數日淵聖手詔至曰金人分兩

道深入必犯京師卿可將見在兵速來赴援公即日日出於

深不入已渡大河卿可將見在兵速來赴援公即日日出於

郊不三四日遇敵於杞力戰敗績予傷之以詩曰選將他

年重作師此日難傷心閉東道白首戴南冠公宿儒戎事

非長庶幾以禮與人相終始者

毛西河集詩一首 寄何奉新詩兩度西江采綠蘋南昌城

是舊人牛斗星臨沽市暮龍溪花發訟庭春歸來儻覓柴

桑侶應有扁舟到奉新 按何奉新指何嘉祐

蔣士銓忠雅堂集詩一首 乾坤放眼時豪吟向京國息羽

借卑枝才妙縱橫見官麤洒落為如何壇坫裏特地見君

南陵縣志一則 徐甘氏祈雨疏維民有命上繫夫天七維

或以為災之流行適逢其會予則恐吏之失職獲罪於天

氏男才本疏庸政復拙儒或聽訟之未公或催科之孔亟

或園屏有麤聚之苦或倉廩有碩鼠之虞蹈此頽情動干

神怒然而男之不行德罪及其躬宜乎民則無辜殃貽於縣

胡忍茲者悔身修行冀返天和洪惟我神觀此世如掌中

閻眾生如赤子伏祈現竹林之身慈雲普降洒楊枝之水

注雨宏垂會諸神之澤於陵之千畝苗則勃然與移合邑

之災於男之一身氏亦默爾息蓋為子求福者慈母之恒

情為民請命者宰官之急務苟甦民困男之福其在斯乎

假新神恩氏之生無以為矣濟眾菩薩心知神明之力無

弗屈呼天哀籲狀豈婦人之言不可聽謹疏是疏也邑侯

徐心田之母甘夫人作也吾陵丁卯之旱祈禱有靈僉頌

吳照聽雨齋集詩一首 觀奉新帥漁莊翰城山水遺墨書

不止與君未識面重君是知已各懷傾慕心俱緣書畫始

此事一回思二十餘年矣壬辰癸巳間西安客姓李碑帖

奉新縣志

卷十六

雜志 摭聞

完



售四方逢君大喜索君畫一張出我書數紙君曰吾願  
交迢迢隔道里李君來南城君言入吾耳出君所贈畫燕  
墨乃以指旁押印一方篆刻細如蟻中鐫陋室銘毫髮妙  
難擬傾倒我發狂李客從旁視我長君一歲十八九年紀  
我亦健傲我自礪砥見君所作畫問是誰家子吾兒求朋  
我母幾可相比從此益慕君相見未有以此後三兩年李  
友庶幾已死我亦東西遊芒鞵踏雲水新吳少舊交問訊徒  
客又已死我亦東西遊芒鞵踏雲水新吳少舊交問訊徒  
為爾每冀鄉試期可以詢姓氏知者竟亦希吾更不啟齒  
二十四五年結想此奇士昨逢鉛山蔣讚嘆帥君美可憐  
蚤不祿阿翁淚如泚阿翁徵哀辭傷心徹骨髓我固疑是  
君答應先唯今晨見阿翁始得悉原委君亡十二年墓  
草生荆杞不得為友朋遺言憶先妣才命不兩兼君乃半  
生否祝君膝下兒材幹若杞梓願君堂上親康強膺福祉  
此詩墓前焚惜君呼不起九泉聞吾言君亦可慰已

東湖紀聞一則 奉新進士宋鳴珂子用衡聰穎絕倫喜為  
絕酸風射裘肌玉裂蘭膏燒燈飛紫煙桂枝蕪火煮香雪  
摘書藤笈破我愁烟煤鳥跡蛛絲幽雁蘆含噲迷宮徵狂

奉新縣志

卷十六

雜志 撫聞

三

叫作歌人姓李驢背心肝古錦花石爛南山枯不死星辰  
在空神在紙鬼唱秋墳呼不起通眉長爪今少年繭中抽  
絲休問天年十七而卒人比之曇花一現云

江西詩徵一則 鄒隆遠字超然奉新人以詩遊江湖間寓  
詩集擬古云上山采蕨蕨蕪花正開采此欲遣誰遙見  
軒車來車中坐故人初意猶相猜竊恐異疇昔欲近且徘徊  
徊雲泥雖恐別或念陳與雷感子故意在下車陟崔嵬執  
手淚盈把情欸不自裁去復相別贈子嶺上梅歲寒有  
真操毋為霜雪摧又吳中曲云水上人家樓上樓翠籠嬌  
鳥晚猶啼樓中刺繡姑蘇女隔簾吹送幽蘭語迴鍼繡到  
雙鴛鴦不知淚落如紅雨

方外

葛生 隱新吳山孫策據江東太史慈問以休咎握手不語而去跡其處虎豹環側不可近及大帝權建吳國方知握拳之兆云

吳猛 字世雲新吳人幼以孝聞仕吳為西安令因家焉年四十遇異人丁義復師南海太守鮑靚得祕法

雲得晉武帝時同旌陽謁謹母受孝道明王之法還豫章江波甚急以白羽扇畫水而渡一日暴風起書符擲於屋上有青鳥銜去須臾風止人問之答曰南海舟中有二道士呼救故以此拯之爾尋訪果然西安令于慶死已三日猛曰未合死當為上天訟之遂臥尸旁數日與慶同起旌陽上昇之歲猛亦於西平乘白鹿車與弟子四人沖虛而去所居有仙壇今為吳仙觀未封神烈真人

劉道成 新吳人舉明經仕晉為陳州刺史乞歸居縣西文明坊修黃老之術皈依大羅真符永嘉二年合宅沖舉梁武帝即其故址創昭德觀

奉新縣志

卷十六

雜誌 方外

三

陶安公

新吳人溷跡為陶師嘗治鐵鑪烟成紫蓋有朱雀集而鳴曰安公安公治與天通七月七日迎汝以赤龍及期龍至安公跨而去二女修其術亦得仙天寶中名其居為陶仙觀

吳彩鸞

猛女也唐太和末書生文簫寓紫極宮一日遊西山與彩鸞相遇因約俱歸簫貧不自給鸞寫孫恂唐韻日得一部鸞可五緡金盡復寫如是者十載稍為人知乃潛往新吳越玉山各跨一虎陟峯巒而去

黃四郎五郎

真仁人仁覽之弟仁覽與其父輔俱學道于旌陽後舉家仙去二弟侍勇好獵仁覽招之不欲從乃折草化鹿止其妄心仍授以地仙之術後隱西山號天地二仙

孫智諒

高安人幼師惠威煉丹於元秀峯常有浮雲罩其上因呼浮雲觀開元間迎至京師年百二十餘矣帝問何術而壽對曰居山食果水而已上嘆息後再召見內閣時憂早請夜醮致雨帝大悅因問治國之要對曰聖人之道在一心不他求也賜衣帛遣歸至德觀後復徵不起卒年百有四十

李八百

名常真蜀人自稱年八百歲故人以為號又傳白鹿先生謂陳搏曰神仙李八百動則入百里二說

未詳孰是常于邑之浮雲山修煉有石洞遺跡存焉

**李明香** 八百妹也初修道于華林山之元秀峯後于峯南六十里五龍岡設壇醮祭道成冲舉

**陳雲隱** 住浮雲宮道行卓異好讀儒書郡有旱潦祈禱輒應人咸異之

**夏主信** 浮雲宮道士能運掌心雷治石精至今了口石尙存凡祈禱雨輒應

**陳端一** 昭德觀羽士闡太乙清微之法飛符檄最靈顯宋政和中賜號靈寶大法師遂為天下道教之祖至

今宗之其觀有白玉蟾詩流布寓內焉 白玉蟾昭德觀詩我見仙郎不足誇面顏玉煉燦丹霞新開天上圖書府舊是雲中雞犬家三十六年心似鐵百千萬事眼中花如今漸覺逢迎嬾一日兩番蜂報衙

**鄒道士** 住昭德觀有道術見人有疾授以丹方無不立愈文天祥送隆興鄒道士序新

吳昭德觀或傳西晉劉仙人飛昇之地其觀前井猶仙人時丹井也今鄒高士居其觀亦以煉丹名或曰高士仙人之徒與子詰其所以為丹則高士之丹非仙人之丹也仙人之所謂丹求飛昇也高士之所謂丹求伐病也仙人之

奉新縣志

卷十六

雜志 方外

三

心狹于成已高士之丹薄于濟人且夫兼人已于一致合體用于一原吾儒所以為吾儒也重己而遺人知體而忘用異端之所以為異端也高士非學吾儒而能以濟人為心乎噫高士不賢于仙人歟

**徐復高** 崇元觀道士通法術永樂十五年省城旱復高坐七層臺上案振金牌則雷鳴手搖小旗則電掣大雨傾盆魚蝦盈街章江水淺三尺

**懷海** 福建長樂王氏子少歲離塵三學該練依馬祖與西堂智藏南泉普願同號入室時三大士化門相

角立焉 瓶立叢林儀軌名曰清規元和九年示寂諡大智禪師塔曰大寶勝輪 舊志按懷海開山于元和三年示

寂於元和九年計宣宗即位時去元和九年已三十一年中更穆敬文武四宗宣宗非海同時人庚溪詩話載宣宗與黃蘗聯吟百丈瀑布葉係海法嗣黃蘗道場雖屬新昌去百丈不過數十里聯吟理固有所謂勅封大智壽聖禪師蓋大智沒後宣宗追封也

**司馬頭陀** 名曦唐時人習堪輿家言歷覽洪州諸山鈴地一百七十餘處迄今猶驗一日至奉新參百丈

曰近于湖南得一山乃一千五百善知識所居百丈曰老僧可住否曰不可和尚骨相彼肉山也時華林覺為首座詢之不許一見典座靈佑曰此為住山主人也後往往山連帥李景讓率眾建梵宇請于朝賜號同慶寺天下禪學輻輳竟如其言

**賓侍者**

住金相寺嘗誦心經住一亡婦婦一夕見夢其子曰吾藉賓侍者力已得度矣賓後將脫化及期刺史臨之見頂間火炎炎發更攬筆製一偈曰大地沈吟乾坤拍塞笑殺阿難驚動彌勒擲筆火熱頭顱化後遺有舍利子數十顆

**本仁**

常示眾老僧尋常不欲向聲前色後鼓弄人家男聲曰喚作色得麼如何色不是色曰喚作聲得麼僧作禮師曰且道為汝說答汝話若向者裏會得有箇入處本仁將順世焚香白眾曰香煙絕處即吾涅槃時也言訖跏趺而坐息隨烟滅

**宗智**

邑張氏子幼依涅槃和尚受戒預藥山法會密契心印唐太和九年九月忽告眾曰越十日將行及期曰吾當西邁理無東移言訖而寂

奉新縣志

卷十六

雜志 方外

三

**明雪**

桐城楊氏子九華聚龍菴薙髮往雲棲受具參雲門澄禪師聞鐘大徹後隱贛州之崆峒建安王請住百丈入院整清規時復荷錫與作務人俱謂大智再來也崇禎辛巳三月十九遲明起浴手書偈曰來亦無一物去亦無一物若知端的意百丈花梢月擲筆而逝

**僧道盛**

奉邑人三歲落髮於百丈山移新昌培根寺乾隆壬午居東湖龍神祠復徙進賢門外天壽寺朝夕一榻畱心吐納足不入市戊申十月忽令其徒誦何日吉徒以初三對道盛曰子時好徒不知其所指也前一日洗足更衣閉目跌坐子時圓寂去 府志

壠墓

吳建昌都尉太史慈墓 在南鄉地名感古縣西磐山有太史城皆其用武地也年四十一卒葬於此

梁豫章刺史余孝頌墓 在法城鄉地名東田下首蛇形

唐靖州刺史應知瑱墓 在奉新鄉十七都地名山口俗稱應使君墓

校書郎劉脊虛墓 在越王山之左坪

劉麒麟墓 在奉化鄉之富溪

劉麟墓 在越王山之劉公坪

侍御胡戴妻耿夫人墓 在縣西南十五里地名九臯 舊志按明志載戴子五人璫瑜瓊瑀

球唐末瑜徙陳雷瑀徙九江瓊徙毘陵球徙武甯惟長子璫居華林以書堂聞天下徙他郡者亦俱氏族鼎盛晉陵

奉新縣志

卷十六

雜志 壠墓

言

胡忠安公淡瓊之後也永樂十五年以禮部侍郎奉使過本邑詣夫人墓拜掃其祝詞曰原吾所自史不絕書劉宋壯侯食邑紆朱越唐侍御夫人實配厥子五人各令避地長名曰璫亦在南唐膳部員外躡雷豫章瑜復陳雷瑀徙江州後遷分甯武甯寓球惟我祖瓊派分晉陵子孫貴盛簪紱類仍滌也不才忝竊科第復荷殊恩謬躋顯仕奉使公餘祖壠是趨幸獲瞻拜孝誠少摠望我同宗子孝臣忠無忝我祖萬世興隆 毛際可安序堂文鈔胡氏族譜序康熙壬戌余旅寓歷山胡子砥菴以族譜屬序考胡氏自杜侯藩始遷華林又十餘傳迄唐御史戴而宗派益詳戴有子五惟長子璫世居華林為宋尚書直孺之祖曰瑜徙陳雷則文定公安國所自出也曰瓊徙毘陵則文恭公宿所自出也其徙壽春者曰瑀徙武甯者曰球今華林毘陵二派猶是牒相通而陳雷壽春武甯之系泯然無聞讀明正統三楊所作胡氏譜序皆反覆致歎焉繙閱是集由華林而遷毘陵由毘陵而遷姚江簡核明晰

南唐羅靖墓 在進城鄉龍泉山門人私諡中庸先生弟誠明先生簡同瑩

宋國子監主簿胡仲堯墓 在李八百洞之右雷家山臨川晏殊志銘

光祿寺丞胡仲容墓 在同安鄉下龍岡

兵部尙書劉拱墓 在法城鄉之蠡林頭

員外郎閔汾墓 在建康鄉之古坪

兵部尙書胡直孺墓 在法城鄉之稻田 見華林邱壟志

胡直孺母徐國夫人龔氏墓 在同安鄉紫芥里新建潘興嗣志銘

承務郎仁和學正涂近正墓 在同安鄉水碓岡接近正高安人墓在本邑補載

元吏部尙書胡鑑墓 在法城鄉稻田真武坐壇

進士陰應夢墓 在靖安縣白香山

郡判余炎午墓 在靖安縣沙溪山

元處士余尹武墓 在靖安縣西桃源九螺山

奉新縣志 卷十六 雜志 壟墓 三

明陳忠肅宗禮墓 在從善鄉杏林岡勅葬

通政司呂爰正墓 在建康鄉之鑪下本宅右首

御史邵彥輝墓 在建康鄉馮水廟側

知州余秉清墓 在奉新鄉之下保

贈御史鄧九思墓 在建康鄉五都下板橋

左布政熊本誠墓 在新興鄉招仙觀旁

吏部尙書宋莊靖景墓 在新建縣寶臺庄諭祭勅葬鉛山費案志銘

知縣甘文翰墓 在新安鄉小陂里

御史鄧顯麒墓 在新安鄉何家源

贈光祿寺少卿余楨墓 在新安鄉之萬坑

順天府尹宋國華墓 在新興鄉金相寺前

吏部尚書蔡恭靖國珍墓 在奉化鄉石溪論祭遣中翰左  
光斗營葬鄒元標志銘

鄉賢明知縣劉震墓 在南鄉東溪山

知州鄧南金墓 在礪下烏石廟左

知州鄧圻墓 在東門外老接官亭

太僕寺卿宋應和暨孫巡按一貞墓 在新安鄉塘尾里獅  
形山

都御史帥眾墓 在建康鄉馮田

淮安府同知宋士中墓 在法城鄉仕源水口象形山

國子監助教廖彤墓 在建康鄉烏嵐虎形

貴州兵部副使廖天明墓 在新安鄉大埔里焦坑

奉新縣志 卷十六 雜志 壟墓 三

同知徐文璉墓 在新興鄉張坊李家塢

知府翟文簡墓 在同安鄉樾榔橋山

同知徐亮采墓 在新興鄉招仙觀前

知州徐時用墓 在建康鄉杉林里

司業徐尚賓墓 在進城鄉管埔

奉訓大夫儀賓徐文瑀墓 在新興鄉厚田

平泉縣君朱宜人墓 在新興鄉東庫山

國朝贈參將李永昌墓 在同安鄉李以死難 予祭葬 按  
南豐縣志云葬之北郊恐誤

贈吏部尚書甘廷仕暨夫人陳氏墓 在北門外獅山之北

贈吏部尚書甘應俊暨夫人熊氏墓 在東門外象山臨川李紱表  
墓 甘汝來古樹詩并序縣

東三里許由鄭家洲渡河而東有白象山余家祖塋在焉  
歲壬午家大人復卜葬先大父于祖塋之左後二十年辛  
丑先大母卒又耐葬焉去墳二尺稍偏左有古樹一株圍  
可四尺高不過丈餘頂禿無梢杪枝極橫披團圍交錯望  
之類張蓋相傳近千年物也詩以志之南昌古豫章以樹  
名郡治梓生松陽門榮悴關隆替南康吾支郡嶽山在其  
地上有陳蕃墓兩楹入雲際誰其十年樹喬木非偶寄下  
鍾地之靈上秉天之氣象山我家瑩馬鬣封先世土角流  
金星形家茲可志婆娑一古樹孤幹亭亭植春夏敷榮華  
秋冬彌蒼翠太傅墳前樹上下論年歲吁嗟此古木且似  
植其類惟我大父母矯矯同風味盤錯係綱常磨礪成節  
義會合待千年造物有深意雨露日滋榮永言受廕庇  
知縣

封光祿大夫兵部尚書甘顯祖墓

在縣治北門外百餘步

封夫人甘母徐氏墓

在新安鄉之石管山桐城張廷玉志銘

吏部尚書諡莊恪甘汝來墓

在進城鄉陰村蓮花巷乾隆五年

奉新縣志

卷十六

雜志

壟墓

三

勅賜全葬遣官諭祭大學士張廷玉志銘

皇帝諭祭太子少保吏部尚書兼管兵部事加五級紀錄四次甘  
汝來之靈曰勞宜中外久彰幹練之材任重銓衡克矢靖  
共之志式陳芬苾用示哀榮爾甘汝來端謹居心恪勤奉  
職著花封之惠績揚粉署之令名由領郡而歷監司潯江  
被澤自提刑而膺旄節桂海流芳法紀總持凜風霜于西  
省封疆游陟任屏翰于南邦夙夜寅清佐容臺之典禮軍  
戎整飭表樞府之儀型眷茲敷歷之勳擢司邦治念厥公  
忠之姻晉錫宮銜奄逝忽聞悼傷良切命大臣而賜奠給  
公帑以飾終載考彝章更頒優恤於戲家仍寒素之風清  
操彌著國有褒崇之典遺範長昭靈如有知庶其來格  
念銓衡之懋績贈恤頻加表敷歷之成勞褒崇宜備彝章  
載考嘉諡聿頒爾原任吏部尚書甘汝來端謹持躬恪勤  
供職宰縣著循良之績選曹彰澄教之材西粵宣猷由郡  
守而歷鷹旄節南臺執憲肅官方而倍凜風霜佐儀部之  
秩宗寅清匪懈領中樞之戎政整飭咸宜眷倚良殷擢任  
列卿之長恩施逾渥晉加少保之銜何意淪徂良深悼惜  
遣大臣而錫奠逾常格而賜金湖厥生平諡之莊恪於戲  
蕭然清宦長垂令範于班聯被此殊榮永紀芳徽于琬琰  
惟茲後嗣尚免欽承

賜諡文



封一品夫人甘母彭氏墓

在同安鄉虎腰形山

翰林院編修甘立功墓

在同安鄉虎腰形山

按察使甘定進墓

在新興鄉陳家山

知州蔡秉寬墓

在奉化鄉溜頭山

同知彭朝元墓

在奉化鄉黃沙鋪鳳形山

知府涂日烜墓

在同安鄉鄧家塢

員外郎前給事中甘立猷墓

在同安鄉虎腰形山大學士

布政使帥念祖墓

在南鄉潘家橋鳳凰山

知府帥家相墓

在南鄉潘家橋鳳凰山

知州蔡呈韶墓

在奉化鄉大源里王家畬

奉新縣志

卷十六

雜志 墓墓

美

翰林院庶吉士徐維綸墓

在從善鄉萬石庄團岡山

同知劉念拔墓

在北鄉易里山

知府趙春福墓

在法城鄉退富大眠地

知州宋士吉墓

在靖安鄉安定橋朱家壩工部尙書熊一瀟表墓

知州曾正浩墓

在奉化鄉宋家邊蘭瑞窩

贈中議大夫宋三汶暨妻淑人熊氏朱氏墓

在進城鄉羅坊仙遊

贈中議大夫宋五仁暨妻淑人劉氏墓

同上

同知鄧瑛墓

在京師朝陽門外豆角庄

郎中涂錫禧墓

在法城鄉黃家山

知州嚴道洪暨妻宜人羅氏墓

在進城鄉大橋圍仰山

遊擊徐學灼墓 在新興鄉礮溪

都司劉學詩墓 在法城鄉

御史鄒玉藻墓 在從善鄉道源巡撫秦承恩表墓

郎中金光斗暨妻宜人帥氏墓 在新建縣遊仙鄉北堂山

郎中彭肇祚墓 在奉化鄉猴形山

翰林院檢討張懋能墓 在法城鄉下壩牛形山

贈懷遠將軍王廷正暨妻淑人李氏墓 在奉化鄉榴頭虎形山

贈懷遠將軍王有容暨妻淑人熊氏墓 在奉化鄉榴頭虎形山

貴州都勻協參將王顯光暨妻淑人李氏墓 在奉化鄉榴頭虎形山

知州熊家振墓 在靖安縣象湖

奉新縣志 卷十六 雜志 墓

知縣徐日言墓 在新安鄉洪塘里沙帽山 妻孀人熊氏墓 在龍陂村象形山

知州劉有儀墓 在四川南關外青羊宮側

員外郎前給事中甘立猷暨妻彭氏墓 在同安鄉虎腰形山大學士戴衢亨

志銘

封文林郎訓導徐日昶暨妻孀人李氏墓 在新安鄉石壁里

贈中憲大夫知縣甘紹烈暨妻雷氏墓 在北鄉小路口溝壠之港

贈封中憲大夫教授甘紹曾暨妻阮氏墓 在東門外象山祖塋之右

贈奉政大夫甘本塢暨妻徐氏墓 在新安鄉曲湖里章家山虎形

主事甘晉墓 在東門外象山祖塋之右

主事甘禾暨妻張氏墓 在同安鄉虎腰形山

贈文林郎甘敦復墓

在東門外象山祖塋之側

同知徐盛持墓

在從善鄉坵上劉姓祥雲捧日形

妻宜人黃氏

附葬龍陂象形山

贈通奉大夫徐錫會暨妻夫人彭氏墓

在同安鄉樾榔橋余家坊石腦山

贈通奉大夫徐豐暨妻夫人譙氏趙氏墓

在新安鄉下广王家屋後堂象山

三品封職鄧覲瀾墓

在進城鄉巴源獅山

三品封職顛縣訓導鄧維城墓

在奉化鄉上富高湖墩獅形山

義塚一在北門外二里許地名龜山一在東門外二里許

地名倉前洲乾隆初知縣趙知希捐置乾隆四十四年監

生宋五耀妻甘氏捐置北門外龜山之北半里許地名後

岡山山勢廣袤可葬數千棺稱吉壤云又監生解紹綸捐

奉新縣志

卷十六

雜志 壟墓

罕

買二所一北門外後岡山一北門外門頭又涂均象等捐

買北門外後岡山一所嘉慶十三年職員廖爲軫捐置北

門外赤鄣圍山一所又監生廖謨妻劉氏捐置北門外地

名狗棘山一所又羅顯聲捐置進城鄉長灘地一所又縣

市武生徐大鵬捐置建康鄉馮田土名楊雅山一所又富

溪劉氏眾置本里義塚山一所又甘本烈捐置建康鄉赤

鄣圍杉林里烏龜山一嶂又縣市徐正暄捐置北鄉側沙

溪楊家埭一所又徐道贊捐置奉新鄉西湖里山一嶂

補遺

舊志有所遺而確有可徵或雜見於他書者皆分別補入正條內此則僅據採訪者所報未必盡屬無稽存之以備參考

宋

甘惟允

法城鄉人任甯州州判官以子天鐸貴贈從仕郎

甘雨

字澤民法城鄉人任廣東南海縣尉

喻大受

奉新鄉人由選貢入太學官大理寺評事陞員外郎

章允端

北鄉人以進士官徐州督府判因寇亂戰沒于陣諡曰端立廟徐州

潛仲義

號和菴北鄉人官應天守

周禮

字貴時從善鄉人以薦辟官祕書丞著作郎

奉新縣志

卷十六

雜志 補遺

三

廖國正

字正可上坊人寶祐元年以博學鴻詞舉官少府

元

甘繼善

字述夫法城鄉人以父天鐸廕官南豐州判

涂文克

同安鄉人由鄉貢官左春坊校書郎

徐元英

字華卿同安鄉人以人材舉官浙西副使

古忠

字次孝官福建黃巖縣尹

古金

字世用官湖廣永州府通判

古庸

字秉中官滄州知州

許貴壽

南鄉人官四川重慶參軍

帥以成

字如逸號君玉北鄉人由貢官廣西鬱林州判

嚴仲碧 號雲溪進城鄉人官四川金鐵局提舉

王德全 字義山奉新鄉人官雲南新平縣丞

王文傑 字偉人德全子官川山鹽場管勾進賢稅務提領  
遷甯州進義校尉

明

宋慶雲 號一峯選貢以孫應和貴贈中議大夫大僕寺卿  
妻周氏贈淑人應和封中議大夫妻陳氏贈淑人

徐煬 字陽源新興鄉人以衛千總授昭武校尉妻彭氏  
封宜人

徐洪 以子高貴贈文林郎湖廣綏甯縣知縣妻熊氏贈  
孺人高授文林郎妻余氏贈孺人

徐燧 以子文翰貴贈文林郎福建甯德縣知縣妻王氏  
贈孺人文翰授文林郎妻蔡氏封孺人

徐廷麒 以子亮采貴累贈奉政大夫湖廣荊州府同知妻  
楊氏贈宜人亮采授奉政大夫妻李氏贈宜人

徐亮弼 字達吉號虞叟以子文瑀貴贈奉訓大夫

奉新縣志

卷十六

雜誌 補遺

望

徐鳴 以子尚賓貴封奉訓大夫國子監司業妻熊氏贈  
宜人尚賓授奉訓大夫妻余氏封宜人

徐亮工 字雲天號望郊廩生以子文璉貴贈奉政大夫四  
川瀘州知州文璉授奉政大夫妻廖氏封宜人

徐燁 以子文友貴贈奉政大夫山東衡府審理正妻廖  
氏贈宜人文友授奉政大夫妻魏氏封宜人

徐邦墀 以子時用貴贈奉訓大夫廣東儋州知州妻余氏  
贈宜人時用授奉訓大夫妻姚氏封宜人

徐淵 以子國華貴贈文林郎北直靜遠縣知縣妻呂氏  
贈孺人國華授文林郎妻羅氏封孺人

徐璜 字應良上坊人任湖廣平江縣縣丞

徐廷鼎 上坊人石城王府儀賓

徐宗周 字又且上坊人由掾吏官福建福州府經歷

徐汝輔 字伯中號西衢上坊人由掾吏任河間府知事

徐文士 字進侯號行吾上坊人授後軍都督府校尉

徐嘉綸 字經士號倚齋上坊人官南昌衛督運千戶

徐嘉茂 字紹堂上坊人由掾吏任陝西漢中府經歷

洪日新 字明陽北鄉人歷任山東兗州府甯陽典史

徐大鏞 字仲雲上坊人詔舉賢良官信豐訓導

徐大中 字豫生上坊人詔舉順孫官分宜教諭

徐文毅 字紫芝上坊人官廣西平樂府通判

徐汝相 字伯美上坊人由掾吏官湖廣綏甯巡檢

徐文瑀 字元瑜號素菴上坊人王府儀賓授奉訓大夫食祿三百戶

熊廷相 字前川從善鄉人官江南東流典史陞倉官

熊寬量 字同宇從善鄉人任縣丞

奉新縣志

卷十六

雜志 補遺

望

熊克忠 字懷赤從善鄉人官山東膠州知州

熊天象 字辰拱從善鄉人任儀徵主簿

熊克通 字朗初從善鄉人官廣西南甯府照磨

熊紹仕 字聖傑官廣信守禦

熊紹佐 字聖臣官濟甯州守禦

周易 字克明從善鄉人官河南潞王府典膳

周振恩 字濟宇從善鄉人官永平府提塘

周學純 從善鄉人由吏員官池河驛驛丞

周學暹 字長明從善鄉人順治四年授行營都司

周振龍 從善鄉人官饒州右營參將

周學錫 從善鄉人由吏員官北直慶都典史

許東陽 南鄉人官北直容城知縣

許雲漢 南鄉人官四川參將

帥定瑞 字仲祥北鄉人官富州判

帥捷 字子冠北鄉人由明經辟薦官甯州學正陞本州

帥民宜 字孟賓北鄉人樂安輔國府儀賓

帥鳳祥 字古峯北鄉人由吏員官湖廣通山縣丞

帥鉉元 北鄉人由吏員官江南按察使司經歷

帥國欽 北鄉人由吏員任河南寶應縣典史

帥元復 字公錫北鄉人以武功官廣東潮州潮陽營外委

奉新縣志 卷十六 雜志 補遺 器

帥球 字子玉北鄉人由吏員官廣東瓊州陵水典史

帥龍 字恒山北鄉人由吏員官廣東平寶驛驛丞

帥登 字子雄北鄉人以武功累官福建漳州副總兵官

蔡國瑛 字汝玉奉化鄉人官山東即墨縣知縣

蔡國琮 字汝方奉化鄉人由武舉官康山守備

蔡國璽 字汝信奉化鄉人以軍功授銅鼓添註守備

蔡炫明 字隆先奉化鄉人官浙江杭州府經歷

羅元岳 進城鄉人官山西牛尾司巡檢

羅憲聰 號聽子進城鄉人官新建羅家渡巡檢

羅廷楨 字北之進城鄉人由邑庠入太學官直隸蕭縣丞

帥文寬

字寬生以父萬全廕官靖安縣雙坑總哨司

鄒以忠

以孫復暘貴封文林郎浙江天臺縣知縣妻周氏封孺人又以孫峻德貴晉贈奉直大夫雲南羅雄州同知周氏晉封宜人

鄒道隆

以子復暘貴封如前官妻舒氏封如前又以子峻德貴晉封如前官舒氏晉封如前

周學庠

字上庠從善鄉人由邑庠援例官永新縣教諭

周學祿

從善鄉人納粟補太醫院吏目

周振縉

從善鄉人納粟由稅司遷廣信府懷玉驛驛丞

羅叔榮

號晦窗進城鄉人由吏員官南京府軍倉大使

涂汝行

字用之號仁齋同安鄉人由薦辟官貴溪教諭

涂為元

字長仁號誠菴同安鄉人由恩貢官韶州府通判

奉新縣志

卷十六

雜志 補遺

聖

涂達韶

字九成號善堂同安鄉人解糧議敘官四川太平縣丞

張鼎固

奉新鄉人由貢生官福建光澤知縣

張源龍

奉新鄉人官湖廣漢川縣劉家隔巡檢

曾以澄

復姓張已見遺獻

趙霞慶

字以燦下坊人建安王府儀賓

趙時標

字汝捷下坊人官浙江蘭溪縣主簿

趙民命

字元公下坊人由監生官福建延平府經歷

章公昇

北鄉人由庠生吏部考取官四川銅梁知縣

李景春

字子元號敬吾樂安王府儀賓誥封奉訓大夫奉化鄉人

李時英

奉化鄉人樂安鎮國府儀賓敕封承務郎



李時武 奉化鄉人樂安鎮國府儀賓敕封修武校尉

李國材 奉化鄉人石城王府儀賓

李喬慶 號四山奉化鄉人由郡庠貢南雍官浙江甯海知縣

李世文 奉化鄉人由邑庠貢南雍任益王府典膳

劉琰 奉新鄉人以人材舉值國變不仕

劉永祥 號鎮宇奉化鄉人官鴻臚寺序班授徵仕郎妻李氏封孺人

劉楫 法城鄉人由吏員官浙江和豐倉大使

劉汝誠 法城鄉人由吏員官湖廣沔陽州州判

劉詔 法城鄉人由吏員官山東典史

張源深 字靜川奉新鄉人選貢

奉新縣志

卷十六

雜志 補遺

吳

甘鏞 法城鄉人萬曆丁酉科武舉

甘應學 法城鄉人任江南守衛

張貞 字美在號華峰建康鄉人崇禎甲戌薦任江左都司乙亥張獻忠寇鳳陽焚皇陵樓殿殺守陵諸太

監縱高牆罪人貞從畱守朱國力戰斬馘無算力盡陣沒年僅二十有五

周焮 字文灝從善鄉人儀賓封朝列大夫妻朱氏封武陽郡君

駱好禮 下坊人官太醫院太醫

熊繼鸞 字二交從善鄉人由貢生官福建光澤縣知縣

吳通海 字天池進城鄉人舉孝廉官國子監主簿

吳通舟 字濟楫進城鄉人官左春坊校書郎

潛之遴 字彬臣下坊人由行伍官福建福州營守備

喻欽

字伯瑜號菊溪奉新鄉人官安慶府經歷

鄧烜

字靜逸號淑輝以子圻貴封奉直大夫雲南昆陽州知州妻雷氏封太宜人圻封奉直大夫妻陳氏

封宜人

國朝

徐此中

以子兆魁貴馳贈登仕郎南康學訓導妻嚴氏贈孺人兆魁授登仕郎妻王氏封孺人

宋之楨

字克生北鄉人由庠生貢太學官鄱陽教諭

宋一憲

字體元北鄉人由廩貢官進賢訓導

宋一賚

字簡叔北鄉人由邑廩選入官監生任臨江府教授

宋三立

字次泰北鄉人由庠生貢太學官德化教諭

宋三兼

字二退北鄉人由庠生貢太學任安仁教諭

奉新縣志

卷十六

雜志 補遺

聖

宋士中

見舉人以子一貞貴贈奉政大夫湖廣巡按妻吳氏曹氏俱贈宜人

宋士燾

以子一贊貴贈文林郎湖廣通山知縣妻陳氏贈孺人一贊授文林郎妻陳氏贈孺人

宋一憲

字又新以子之楨貴贈徵仕郎鄱陽縣教諭

帥來朝

字勝臣北鄉人由行伍官江南提標守備

帥承聘

字季昇北鄉人由廩貢官江南靖江三簿

帥承禧

字天祉北鄉人由廩貢官甯州訓導

帥承錫

字仲九北鄉人以父眾廕監貢太學積分期滿國初徵授湖廣益陽知縣

熊斌

字九錫從善鄉人由武科官貴州安籠掌印守備

周時副

字達宇從善鄉人順治初年任新昌縣後營把總

蔡起光

字秀升號丙齋奉化鄉人官本省鎮標前營千總歷有功績

廖炳參

字維吉號星菴上坊人薦授南昌後衛千總疏題守備未經得缺而卒

羅憲韜

字君翼進城鄉人由庠生徵辟官贛州府學訓導

羅光迪

字吉之進城鄉人由貢生授南康府學訓導

萬傑

由儒士國初官直隸長垣縣丞題署縣事

萬垣

字中天同安鄉人貢人國學官河南商邱縣丞

宋三在

字善長北鄉人由庠生貢太學官理刑廳

徐士元

字乾夫號默園上坊人順治辛丑歲貢